



## ‘Alamā 13–16

15–21 SUNE

# ‘Oku Tataki Fēfē Au ‘e he Ngaahi Ouau Fakamo‘uí kia Kalaisi?

“He ‘ikai lava ‘e he ‘ulungaanga lelei ta‘ekau ai e ngaahi ouau ‘o e ongoongolelei, ‘o huhu ‘i pe hākeaki ‘i e fa‘ahinga ‘o e tangatá.”<sup>1</sup>

### TEUTEU

Na‘e ui mo teuteu ‘i ‘a ‘Alamā mo ‘Amuleki ‘e he ‘Eiki ke ako ‘i ‘Ene ngaahi fekaú (vakai, ‘Alamā 13:3). Na‘e “fakanofa [foki kinaua] ‘i ha ouau topu-tapu” (‘Alamā 13:8). ‘Oku foaki ‘eni mo e ngaahi ouau kehé ke tau lava ‘o ‘ilo ‘i e feitu‘u ke kumi ki ai ha fakamolemole ‘o ‘etau ngaahi angahalá (vakai, ‘Alamā 13:16). ‘Oku tataki kitautolu ‘e he ngaahi ouau kotoa pē kia Sisū Kalaisi.

Te ke lava fēfē ‘o teuteu ke ma‘u e ngaahi ouau fakamo‘uí ‘o e ongoongolelei?



### FAKATOMALA

‘Oku fakatafoki ‘e he fakatomalá hotau lotó ki he Fakamo‘uí. ‘Oku hanga ‘e he ngaahi ouau fakamo‘uí ‘o tukutaha ‘etau fakakauká ‘ia Kalaisi mo ‘Ene ‘alo‘ofá kae lava ke tau toe foki kiate Ia (vakai, ‘Alamā 13:16).

### MA‘U MAÍ

‘Oku ‘omi ‘e he ‘Eiki ‘a e ngaahi ouau fakamo‘uí ke tau lava ‘o a‘usia e “māfimafi ‘o Kalaisi ki he fakamo‘uí” (‘Alamā 15:6).

Ko e hā ‘a e ngaahi ouau fakamo‘uí kuó ke ma‘ú, pea ko e hā e founga kuo nau ‘omi koe ke toe ofi ange ki he Fakamo‘uí?



### MA‘U‘ANGA FAKAMATALA

1. Boyd K. Packer, “The Only True Church,” *Ensign*, Nov. 1985, 82.